

**DELEGATI DOMA NARODA  
PARLAMENTARNE SKUPŠTINE BIH**

Halid Genjac

Mario Karamatić

Nebojša Radmanović

Dragutin Rodić

Martin Raguž

Sead Kadić

Sarajevo, 16.11.2015. godine

**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO**

|                        |                       |            |              |
|------------------------|-----------------------|------------|--------------|
| PRIMLJENO: 26-11-2015  |                       |            |              |
| Organizaciona jedinica | Klasifikaciona oznaka | Redni broj | Broj priloga |
| 02-                    | 02-4-                 | 1494       | 15           |

**PARLAMENTARNA SKUPŠTINE BOSNE I HERCEGOVINE**

**DOM NARODA**

n/r gđin. Ognjen Tadić, predsjedavajući

**PREDMET: Prijedlog izmjena i dopuna Poslovnika Doma naroda Parlamentarne skupštine Bosne i Hercegovine**

Na osnovu člana 174. Poslovnika Doma naroda Parlamentarne skupštine BiH („Službeni glasnik BiH“, broj 58/14), dostavljamo Prijedlog izmjena i dopuna Poslovnika Doma naroda Parlamentarne skupštine Bosne i Hercegovine, radi razmatranja i usvajanja istog po hitnom postupku, s obzirom da je usvajanjem Kodeksa ponašanja poslanika i delegata u Parlamentarnoj skupštini Bosne i Hercegovine, neophodno uskladiti i odredbe Poslovnika Doma naroda.

U prilogu dostavljamo tekst Prijedloga poslovnika na službenim jezicima u Bosni i Hercegovini, u pisanom i elektronskom obliku.

Halid Genjac

Mario Karamatić

Nebojša Radmanović

Dragutin Rodić

Martin Raguž

Sead Kadić

Dostavljeno:

- naslovu

- a/a

Prilog:

Prijedlog izmjena i dopuna Poslovnika Doma Parlamentarne skupštine BiH

## PRIJEDLOG

Na osnovu člana IV. 3.b) Ustava Bosne i Hercegovine, Dom naroda Parlamentarne skupštine Bosne i Hercegovine na \_\_\_\_\_sjednici, održanoj \_\_\_\_\_godine, usvojio je

### IZMJENE I DOPUNE POSLOVNIKA DOMA NARODA PARLAMENTARNE SKUPŠTINE BOSNE I HERCEGOVINE

#### Član 1.

U Poslovniku Doma naroda Parlamentarne skupštine BiH („Službeni glasnik BiH“, broj 58/14), u članu 21. u stavu (5) iza tačke c) dodaje se nova tačka d) koja glasi:

„ d) u skladu sa članom 25. stav (2) Kodeksa, razmatra žalbe poslanika na odluke Zajedničke komisije za ljudska prava, kojom je izrečena mjera o povredi Kodeksa;“

Dosadašnje tačke d), e), f) i g) postaju tačke e), f), g) i h).

#### Član 2.

U članu 53. (Zajednička komisija za administrativne poslove) u stavu (1) tačka l) briše se.

#### Član 3.

U članu 54. (Zajednička komisija za ljudska prava) u stavu (1) tačka v) mijenja se i glasi:

„v) priprema i utvrđuje prijedlog Kodeksa, te najmanje jednom godišnje dostavlja Parlamentarnoj skupštini Bosne i Hercegovine, na razmatranje i ocjenjivanje izvještaj Zajedničke komisije o pitanjima provođenja Kodeksa;“

Iza tačka v) dodaje se nova tačka z) koja glasi:

„ z) provodi postupak utvrđivanja povrede Kodeksa, te donosi odluku u skladu sa odredbama Kodeksa.“

#### Član 4.

##### (Stupanje na snagu)

Ove izmjene i dopune Poslovnika Doma naroda Parlamentarne skupštine Bosne i Hercegovine, stupaju na snagu narednog dana od dana objavljivanja u „Službenom glasniku BiH“.

PSBiH broj: \_\_\_\_\_

Sarajevo: \_\_\_\_\_godine

Predsjedavajući

Doma naroda PSBiH

Ognjen Tadić

## **OBRAZLOŽENJE**

Prijedloga izmjena i dopuna poslovnika Doma narodaParlamentarne skupštine BiH

### **I. Ustavni osnov**

Ustavni osnov za donošenje Prijedloga izmjena i dopuna poslovnika Doma naroda Parlamentarne skupštine Bosne i Hercegovine sadržan je u članu IV. 3. b) Ustava BiH.

### **II. Razlozi za usvajanjem predloženih izmjena i dopuna Poslovnika Doma naroda**

Parlamentarna skupština Bosne i Hercegovine, na 18. sjednici Predstavničkog doma, održanoj 7.10.2015. godine, i na 10. sjednici Doma naroda, održanoj 14.10.2015. godine, usvojila Kodeks ponašanja poslanika i delegata u Parlamentarnoj skupštini BiH ( u daljem tekstu: Kodes), kojim su uspostavljeni standardi ponašanja koji se očekuju od izabranih zvaničnika u obavljanju njihovih dužnosti.

Usvajanjem Kodeksa, potrebno je uskladiti i odredbe poslovnika oba doma Parlamentarne skupštine Bosne i Hercegovine i to u dijelu koje se odnose na nadležnost Zajedničkog kolegija oba doma Parlamentarne skupštine BiH i Zajedničke komisije za ljudska prava, vezano za utvrđivanje povreda Kodeksa i donošenja odluka o povredi Kodeksa.

### **III. Obrazloženje predloženih izmjena i dopuna Poslovnika Doma naroda**

Članom 25. stav (2) Kodeksa, Zajednički kolegij nadležan je da razmatra žalbe poslanika/delegata na odluke Zajedničke komisije za ljudska prava, kojim je izrečena mjera o povredi Kodeksa.

S tim u vezi, bilo je nužno da se iz postojećih poslovnika oba doma briše dosadašnja nadležnost Zajedničke komisije za administrativne poslove, da će preduzimati pravne radnje u skladu s odredbama Kodeksa.

Takođe, u skladu sa čl. 23. do 25. stav (1) Kodeksa, utvrđena je nadležnost Zajedničke komisije za ljudska prava da provodi postupak utvrđivanja povrede Kodeksa, te da donose odluku u roku od 30 dana od dana podnošenja prijave o povredi Kodeksa.

Zajednička komisija za ljudska prava je na 11. sjednici održanoj 5.10.2015. godine, usvojila zaključak, da će nakon usvajanja Kodeksa ponašanja poslanika i delegata u Parlamentarnoj skupštini Bosne i Hercegovine, radi usklađivanja sa Kodeksom predložiti izmjene i dopune poslovnika Predstavničkog doma i Doma naroda Parlamentarne skupštine BiH.

**Zajednička komisija za ljudska prava je na 12. sjednici održanoj 26.10.2015. godine, razmatrala navedeni zaključak, utvrdila prijedloge izmjena i dopuna poslovnika, te u skladu sa nadležnostima poslanika/delegata, da mogu dopunjavati i/ili mijenjati poslovnike, usvojila zaključak da poslanici/delagati (članovi Zajedničke komisije za ljudska prava) upute navedene izmjene Parlamentarnoj skupštini Bosne i Hercegovine, uz prijedlog da se razmatraju po hitnom postupku.**

## IV Odredbe Poslovnika Doma naroda koje se mjenjaju

### Član 21.

#### (Zajednički kolegij oba doma Parlamentarne skupštine BiH)

(1) Sjednica Zajedničkog kolegija oba doma Parlamentarne skupštine BiH (u daljnjem tekstu: Zajednički kolegij) održava se najmanje jednom mjesečno.

(2) Zajedničkim kolegijem naizmjenično predsjedavaju predsjedavajući domova. Prvu sjednicu Zajedničkog kolegija sazivaju predsjedavajući oba doma Parlamentarne skupštine BiH (u daljnjem tekstu: oba doma). Sljedeću sjednicu saziva predsjedavajući doma koji predsjedava sjednicom. Ako je predsjedavajući Doma naroda ili Predstavničkog doma spriječen ili ako odbije da sazove sjednicu Zajedničkog kolegija, sjednicu Zajedničkog kolegija može sazvati svaki od njegovih zamjenika.

(3) Kvorum čini većina članova Zajedničkog kolegija, pod uslovom da su prisutna najmanje dva člana iz svakog doma. Zajednički kolegij donosi odluke konsenzusom onih članova koji su prisutni i koji glasaju. Ako napori da se postigne konsenzus ne uspiju, konačne odluke donose domovi. (4) Kada se tako odluči, u radu Zajedničkog kolegija mogu učestvovati predstavnici klubova naroda i klubova poslanika.

(5) Zajednički kolegij nadležan je za:

- a) iniciranje i koordiniranje međuparlamentarne saradnje;
- b) imenovanje članova privremenih delegacija koje učestvuju na međuparlamentarnim skupovima, o čemu obavještavaju klubove naroda i klubove poslanika;
- c) odlučivanje o načinu i rokovima rasprava u vezi s odlukama koje zahtijevaju odobrenje oba doma;
- d) utvrđivanje kriterija za izbor članova stalnih delegacija Parlamentarne skupštine BiH;
- e) sazivanje i organiziranje zajedničke sjednice oba doma;
- f) sazivanje zajedničkih sastanaka s Vijećem ministara BiH;
- g) obavljanje i drugih poslova koje mu domovi stavljaju u nadležnost i koji su utvrđeni poslovniciima domova.

### Član 53.

#### (Zajednička komisija za administrativne poslove)

(1) Zajednička komisija za administrativne poslove:

- a) donosi opće i pojedinačne akte kojima se uređuju statusna pitanja i materijalni položaj poslanika i delegata u skladu sa zakonom;
- b) razmatra i predlaže projekciju budžeta u dijelu sredstava predviđenih za rad Parlamentarne skupštine BiH;**
- c) razmatra izvršenje budžeta u dijelu sredstava predviđenih za rad Parlamentarne skupštine BiH, te donosi akte za njihovu realizaciju;**

- d) donosi odluku o raspodjeli sredstava za finansiranje političkih stranaka, odnosno koalicija političkih stranaka i nezavisnih kandidata zastupljenih u Parlamentarnoj skupštini BiH, odnosno klubova poslanika i naroda u Parlamentarnoj skupštini BiH;
  - e) na osnovu mišljenja kolegija oba doma, daje saglasnost na Pravilnik o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH i Pravilnik o radu Kolegija Sekretarijata Parlamentarne skupštine BiH;
  - f) daje saglasnost na akte koje, u skladu s Odlukom o organizaciji Sekretarijata Parlamentarne skupštine BiH, donosi Kolegij Sekretarijata Parlamentarne skupštine BiH za šta je ovlašten zakonom;
  - g) donosi akte u vezi s evidentiranjem imovine i druge potrebne akte značajne za upravljanje imovinom Parlamentarne skupštine BiH;
  - h) prati realizaciju preporuka iz revizorskog izvještaja Parlamentarne skupštine BiH, i u saradnji s komisijama za finansije i budžet domova Parlamentarne skupštine BiH, preduzima neophodne mjere za otklanjanje nedostataka utvrđenih u revizorskom izvještaju;
  - i) odlučuje, na osnovu prijedloga Kolegija Sekretarijata Parlamentarne skupštine BiH, o rasporedu radnih prostorija u Parlamentarnoj skupštini BiH;
  - j) u skladu sa zakonom i podzakonskim aktima, utvrđuje naknade i druga materijalna prava članova posebnih i nezavisnih tijela Parlamentarne skupštine BiH;
  - k) imenuje tri člana među članovima komisija iz Doma u Komisiju za izbor i imenovanje članova Centralne izborne komisije BiH;
  - l) preduzima pravne radnje u skladu s odredbama Kodeksa.
- (2) Komisija obavlja i druge poslove iz nadležnosti Parlamentarne skupštine BiH kada to zatraži Parlamentarna skupština BiH.

#### Član 54.

##### **(Zajednička komisija za ljudska prava)**

(1) Zajednička komisija za ljudska prava razmatra pitanja koja se odnose na:

- a) ostvarivanje ljudskih prava i osnovnih sloboda zagantiranih Ustavom BiH i zakonodavstvom BiH, od državnih organa, javnih institucija i organizacija koje imaju javna ovlaštenja, u slučajevima koje iznese Institucija ombudsmena BiH, građani i entiteti, te o tome obavještava domove;
- b) državljanstvo;
- c) emigraciju, imigraciju, izbjeglice i azil;
- d) provođenje aneksa 6. i 7. Općeg okvirnog sporazuma za mir u BiH;
- e) kretanje i boravak stranaca;
- f) ostvarivanje i zaštitu ljudskih prava i sloboda, te mjere za njihovu efikasniju zaštitu. Komisija neće razmatrati pitanja koja su u toku rješavanja na sudovima i druge sporove, osim ako se radi o neprihvatljivom kašnjenju u postupku ili evidentnoj zloupotrebi vlasti i samovolji na koju ukaže Institucija ombudsmena BiH;

g) zaštitu ličnih podataka i saradnju s Agencijom za zaštitu ličnih podataka u Bosni i Hercegovini;

h) prava nacionalnih manjina u Bosni i Hercegovini;

i) prijedloge koje dostavljaju građani, uz obavještanje podnosioca o ishodu;

j) peticije u vezi s povredama ljudskih prava i osnovnih sloboda, usvajajući odgovarajuće mjere i obavještanje podnosioca i domove o usvojenim odlukama;

k) saradnju s Komisijom za ljudska prava (predviđenom Aneksom 6. Općeg okvirnog sporazuma za mir u BiH) i Komisijom za raseljena lica i izbjeglice (predviđenom Aneksom 7. Općeg okvirnog sporazuma za mir u BiH), kao i komisijama za ljudska prava u Parlamentu Federacije BiH i Narodnoj skupštini Republike Srpske;

l) ostvarivanje prava djeteta, posebno poboljšanjem statusa djeteta u Bosni i Hercegovini;

m) podsticanje aktivnosti u institucijama BiH na provođenju Konvencije o pravima djeteta, kao i podsticanje i ostvarivanje saradnje s komisijama entitetskih parlamenata na poboljšanju statusa djeteta i provođenje Konvencije o pravima djeteta;

n) razmatranje predloženih zakona i drugih propisa u pogledu prava djeteta i sprečavanje diskriminacije djeteta;

o) razmatranje pitanja u vezi sa ostvarivanjem prava mladih, posebno poboljšanja prava mladih u Bosni i Hercegovini;

p) podsticanje aktivnosti u institucijama BiH na usvajanju i provođenju najznačajnijih međunarodnih dokumenata o pitanju mladih;

r) razmatranje prijedloga dokumenata i izvještaja institucija BiH koji se odnose na prava djeteta i na pitanja mladih, te razmatranje priprema za učešće delegacija Bosne i Hercegovine na međunarodnim skupovima kada se razmatraju pitanja prava djeteta i pitanja mladih;

s) analiziranje izvještaja o provođenju Zakona o sukobu interesa u institucijama vlasti BiH;

t) upozoravanje izabраниh zvaničnika Parlamentarne skupštine BiH i Vijeća ministara BiH na odredbe Zakona o sukobu interesa u institucijama vlasti BiH radi njegove dosljedne primjene;

u) razmatranje sa Komisijom za odlučivanje o sukobu interesa mogućih slučajeva kršenja Zakona o sukobu interesa izabраниh zvaničnika Parlamentarne skupštine BiH i Vijeća ministara BiH;

v) pripremanje i utvrđivanje prijedloga kodeksa ponašanja za poslanike i delegate u Parlamentarnoj skupštini BiH.

(2) Komisija razmatra i druga pitanja iz oblasti ljudskih prava, ostvarivanja prava djeteta, mladih, imigracije, izbjeglica, azila i etike.